

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **74 (2012)**

Heft 1: **Altersdurchmisches Lernen**

PDF erstellt am: **17.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

I'òssa? – Frais-chamang inavant mas mattas, ed eir tschäs...

Dit otramaing: co inavant cun quista ledscha da scoula?

Imitar lingua discurrüda nun es adüna simpel. Sco rumantschuns e/o corifeas linguisticas vais natüralmaing constatà be sech trais puncts centrals da quist artichel: Prüma – Quel chi scriva darcheu üna jà es da Chaflur, dimena Plan, da Tschlin, chi varà bainbod nom Valsot. Seguonda – Quel chi scriva nu n'ha ingün'idea da la scripziun fonetica ladina o nu metta pais sün tala. Terza – Quel chi scriva, scrivarà eir sur dad ärgè. In mincha cas stuvarat cumportar üna brava purziun eterogenità cun ed illas lingias chi seguan.

LINARD MARTINELLI, PRESIDENT CGL



La MGR e las conferenzas rumantschas

sun partenaris importants per la suprastanza e tuot la CGL. Tenor il program da lavur, cha noss commembers han acceptà a Vulpera, dess quella collavraziun gnir mantgnüda ed intensivada. I'l organigram nouv da la MGR sun las conferenzas rumantschas resguardadas. I dependarà eir dad ellas quant'importanza ch'ellas as dan svess. Sco adüna darcheu.

La magistraglia ladina

as santa fich fin vaira cumpetenta in

sia lingua d'instrucziun. Quai tenor ün questiuari da la prümvaira passada. Resguardond il fat cha quai es ün chomp da lavur vaira central da nos manster po quai cuffortar. Tuottüna as giavüscha üna majorità agüd dad üna sort sustegn linguistic per avoir ün seguond pêr d'ögls chi dess ün cuc süls texts per scolaras e genituors. Quist sustegn linguistic pudess eir implir üna locca illa scolaziun cuntinuada da la magistraglia, almain illas chasas da scoula chi nu fan quai intern. A noss cuors da magistras per magisters pudessna dar cun cuors da perfecziunamaint illa lingua d'instrucziun

nouv schlantsch. Discuors in chosa cun instituziuns sun gnüts, ma varan eir amo da gnir, manats. Eir üna lezcha cha la suprastanza ha survgni, cha nus provain da concepziunar cun noss partenaris chi sun in quist cas – bliers.

La ledscha da scoula

es gnüda trattada i'l Grond Cussagl e gnerà, spranza, amo trattada afin vers prümvaira. Cur cha quai es tras dudirana scha nos sindicat po esser cuntaint cul prodot o brich. Fin qua es la suprastanza da la CGL cuntainta cha'l „cumpromiss“ es gnü acceptà. Per nus es quist ün votum per la cuntinuità illa pratcha. D'üna vart pon ils pioniers lavurar inavant, cun tscherts adattamaints dal concept. Da tschella vart pon quels chi han inchaminà la mediaziun proseguir cun alch chi'd es tant inavant simil, adattond ün zichet eir quia. Ün pa idiom passiv da qua, ün pa rg passiv da là e scha'ls cudeschs tant bramats da la chasa editura dal chantun Grischun rivan aint da porta – vers l'avuost da quist on – illa fuorma scritta güsta o dafatta dretta, sun bod tuots vaira cuntaints. O brich? I resta il giavüsch, cha las conferenzas rumantschas possan sustgnair l'elavraziun dals prossems pass.

La CGL'12

varà lö als 16 da november. Quist'info impustüt per quellas chi nu vaivan cun sai l'agenda a l'ultima.